

ტექნიკური დავალება

1. გასაწევი მომსახურება:

საქართველო არის ევროპის ველური ბუნებისა და ბუნებრივი ჰაბიტატების დაცვის შესახებ (ბერნის) კონვენციის წევრი. ბერნის კონვენციის დანერგვის მთავარი ინსტრუმენტი არის ზურმუხტის ქსელი, რომელიც შედგება სპეციალური საკონსერვაციო ღირებულების ტერიტორიებისაგან, ე.წ. ზურმუხტის ტერიტორიებისაგან. 2020 წლის იანვრის მონაცემებით საქართველოში არის 46 დამტკიცებული ზურმუხტის ტერიტორია. ბერნის კონვენციის მოთხოვნების შესაბამისად ყველა დამტკიცებულ ზურმუხტის ტერიტორიას უნდა ჰქონდეს მართვის გეგმა.

ვინაიდან 2019 წელს ჩატარდა კვლევა 7 ზურმუხტის ტერიტორიაზე, მნიშვნელოვანია აღნიშნულ კვლევებზე დაყრდნობით მომზადდეს მათი მართვის გეგმები.

შესაბამისად, სათანადო კვალიფიკაციის ექსპერტების მიერ 2019 წელს ჩატარებულ კვლევებზე დაყრდნობით უნდა მომზადდეს აღნიშნული 7 ზურმუხტის ტერიტორიიდან ერთ-ერთის (Svaneti 1 – GE0000012) მართვის გეგმა, ქვემოთ მოტანილი მოთხოვნების შესაბამისად:

- მართვის გეგმის პროექტი უნდა მომზადდეს აღნიშნული ტექნიკური დავალების დანართებში მოცემული ინფორმაციის (ზურმუხტის ტერიტორიის - Svaneti 1 – GE0000012 კვლევა და მისი შეიკ ფაილები) შესაბამისად.
- შესაძლებელია სხვა ლიტერატურული მონაცემების და/ან სხვა ჩატარებული კვლევების მასალების გამოყენება.

2. კვლევას დაქვემდებარებული სამიზნე ობიექტები:

საკვლევი ტერიტორია: ზურმუხტის ტერიტორია - Svaneti 1 – GE0000012, რომლის ე.წ. შეიკ ფაილები (Shp files) თან ერთვის ტექნიკურ დავალებას და მასზე გავრცელებული ბერნის კონვენციით დაცული სახეობები და ჰაბიტატები.

შეიკ ფაილი (Shp files) იხილეთ შემდეგ ელექტრონულ მისამართზე:

<https://drive.google.com/drive/folders/1ep2EGPY-7cww3Xzu2pHiJH2z4UXP3yKF>

3. კვლევის მეთოდები:

ამ ტერიტორიაზე არსებული კვლევების და ლიტერატურის მიმოხილვა.

ტერიტორიის მახლობლად მცხოვრებ მოსახლეობასთან კომუნიკაცია და შესაბამისი დაინტერესებული მხარეების ჩართულობა.

სხვა შესაბამისი მასალების მოძიება და დამუშავება, მათ შორის ტერიტორიის საკუთრების ფორმასთან დაკავშირებით.

4. კვლევის შედეგად მოსამზადებელი ინფორმაცია:

კვლევების დასრულების შემდეგ მიმწოდებელმა უნდა წარმოადგინოს მართვის გეგმის პროექტი, რომელიც უნდა მოიცავდეს შემდეგი სახის ინფორმაციას:

- შესავალი (მართვის გეგმის შემუშავების პროცესი; მართვის გეგმის მოქმედების პერიოდი და ა.შ.);
- ტერიტორიის აღწერა (ტერიტორიის გეოგრაფიული მდებარეობა, მიწათსარგებლობა; მართვის მიზნები; ბიომრავალფეროვნება; ტურისტული და რეკრეაციული პოტენციალი; ტრადიციული საქმიანობა და ბუნებრივი რესურსების მდგრადი გამოყენება; ისტორიულ-კულტურული ღირებულება, ტერიტორიაზე

- არსებული ინფრასტრუქტურა და სხვა საქმიანობის ობიექტები, ტერიტორიაზე გავრცელებული ბერნის კონვენციით დაცული სახეობებისა და ჰაბიტატების საფრთხეები);
- ზურმუხტის ტერიტორიის მართვის გრძელვადიანი მიზნები (20 წლიანი);
 - ზურმუხტის ტერიტორიის მოკლევადიანი მიზნები, მათი მიღწევისათვის საჭირო ამოცანები და ქმედებები (ბერნის კონვენციით დაცული სახეობებისა და ჰაბიტატების გრძელვადიანი შენარჩუნების უზრუნველყოფისთვის) (6 წლიანი);
 - ტერიტორიაზე (Svaneti 1 – GE0000012) არსებული ბერნის კონვენციის მეექვსე და მეოთხე რეზოლუციებში მითითებული სახეობების და ჰაბიტატების ჩამონათვალი;

კვლევის მასალების წარმოდგენის ვადები

ა) მიმწოდებელი ვალდებულია ტექნიკური დავალებით გათვალისწინებული ანგარიში წარმოადგინოს 2020 წლის 1 დეკემბრამდე, ორ ეტაპად:
 I ეტაპი - მართვის გეგმის პირველადი სამუშაო ვერსიის წარმოდგენა - 2020 წლის 31 აგვისტოს ჩათვლით პერიოდი;

II ეტაპი - შემსყიდველის მიერ დაფიქსირებული შენიშვნების გათვალისწინებით მართვის გეგმის საბოლოო ვერსიის წარმოდგენა - 2020 წლის 1 დეკემბრამდე პერიოდი.

ბ) მიმწოდებელი ვალდებულია შემსყიდველის მოთხოვნის შემთხვევაში, მომსახურების გაწევის პერიოდში წარუდგინოს შემსყიდველს ანგარიშები მიმდინარე საქმიანობის შესახებ, ან/და შუალედური დასკვნები.